

«Башар нафси ёмонликка мойил этишдан узок эмас. Куръонда дейилган: «Мен нафсимни окламайман. Чунки нафс, агар Парвардигорнинг Ўзи раҳм килмаса, албатта барча ёмонликларга буюргувчидир». «Бу Аллохнинг фазлу мархамати бўлиб, уни Ўзи хохлаган кишиларга ато этур. Аллох улуг фазлу мархамат сохибидир». Бу сўзларни ифодалашдан ва бу гапларни баён килишдан гараз шуки, инсонлик такозоси, подшоҳлар расм-русми, подшоҳлик лавозими, мансабдорлар одати бўйича шохдан тортиб сипохийгача гўзал ёшлик кунларида шариат ман килган баъзи нарсаларга ва айрим ўйин-кулгуларга ружу килинарди. Бир канча вақтдан кейин пушаймонлик кунлари келиб, улар битта-битта тарк килинар ва чин тавба билан уларга кайтиш эшиги ёпилар эди. Аммо мақсад ва матлабларнинг мухими ва буюги бўлган ичкиликдан кайтиш тавбаси «хар иш ўз вақтига боглик» пардаси остида беркиниб, юзини кўрсатмас эди, токи бу яхши соатда зўр гайрат билан уруш эҳромини боглаб, шавкатли Ислом аскарлари ёрдамида кофирларга карши жангга киришганимизда гайб Илхомчиси ва хақиқат Жарчисидан «Иймон келтирганларга вақт келмадимики, калбларини Аллохнинг зикри ила юмшатсалар» мазмуни эшитилиб, гуноҳ ва саркашлик асбобини илдизидан кўпориб ташлаб, тавба эшикларини тўлик жиддият билан коқдик. Тавфик йўлловчиси «Кимки астойдил эшик кокса, киради», мазмунига мувофик икбол эшигини очди ва бу урушни нафсга каршилиқ кўрсатишдан иборат бўлган зўр уруш билан бошлашни буюрди. Алқисса, «Эй Роббим, нафсларимизга зулм килдик»ни ихлос тилига келтириб, «Сенинг олдинда тавба килдим ва мен мусулмонларнинг биринчисиман», деган гапни дил лавҳига накш килдик. Кўнги хазинасида махфий колган ичкиликдан кайтиш тавбаси истагини юзага чиқардик...».

(Тарихдан маълумки, Бобур Мирзо хазратларининг асосий галабалари айна шу майни катагон килган фармондан сўнг кўлга киритилган. Яна тарихдан маълумки, теурий подшоҳлардан Хусайн Бойкаро бошқарган мамлакатни айна шу ичкилик барбод килган, унинг ўзи мастлигида суюмли ва умидли набираси Мўмин Мирзо катлига фармон берган).